



## Nov plan per il svilup dal gaud per il Grischun

**L'uffizi chantunal da gaud e privels da la natira (UGP) ha elavurà il nov "Plan per il svilup dal gaud 2018+". Per il svilup dal gaud grischun dovri ina planisaziun lianta. Il plan per il svilup dal gaud (PSG) è perquai in instrument impurtant per ils possessurs da gaud e per il chantun.**

Cun il PSG duai il svilup dal gaud grischun vegnir planisà ils proxims onns en moda lianta per las autoritads. Il PSG è in instrument directiv impurtant per l'entira administraziun chantunala, ma er per ils possessurs da gaud e per ils reviers forestals. En il PSG èsi fixà tge che duai vegnir cuntanschì e tge che sto vegnir fatg per quai. Il PSG è dividì en ils set temas (uschenumnads fegls d'object): "gaud da protecziun", "explotaziun da laina", "natira e cuntrada", "gaud da pastgira", "recreaziun e turissem", "gaud-selvaschina-chatscha" ed "avertura".

### La tgira dal gaud sco incumbensa comunabla

Il gaud en il Grischun ademplescha quatter incumbensas impurtantas: El ans protegia en moda favuraivla cunter privels da la natira, el è il spazi da recreaziun il pli grond per indigens e per turists, el furnescha il lain sco materia prima regenerabla ed el porscha spazi da viver per 40 pertschient da tut las spezias d'animals e da plantas ch'i dat en Svizra. Perquai èsi impurtant a lunga vista da mantegnair il gaud. La tgira dal gaud è ina incumbensa comunabla tranter ils possessurs, il chantun e la confederaziun. Il planisar è ina moda da pensar prospectiva, e gist en il gaud cun sia creschientscha fitg plauna è in tal pensar d'ina impurtanza enorma. Cun il PSG han ins ussa en maun in instrument che determinescha tge che po vegnir spetgà dal gaud e tge che sto vegnir fatg per ademplir questas aspectativas. Il PSG coordinescha ils differents giavischs e gida a schliar conflicts che naschan, e quai cun inditgar il spazi d'agir ed ils cunfins dals partenaris involvids.

### L'incumbensa la pli impurtanta dal gaud: protecziun cunter privels da la natira

Il "Plan per il svilup dal gaud 2018+" è vegnì sviluppà vinavant or da l'emprima generaziun da plans da quest gener ch'èn vegnids creads gia ils onns 1990. Da quel temp èn quai stads 18 differents documents, oz èn quai tschintg, adattads a las tschintg regiuns forestalas chantunalas. La revisiun è stada necessaria, perquai che l'emprima versiun dal PSG è gia stada passa 20 onns veglia. La versiun vertenta è vegnida adattada a las novas cundiziuns generalas e regularitads. Ussa vali da l'actualisar e da l'adattar permanentamain a las novas relaziuns. L'incumbensa la pli impurtanta dal gaud grischun è la protecziun cunter privels da la natira. Pervia da quai ha il gaud da protecziun, che cumpiglia circa 61 pertschient da la surfatscha da gaud dal Grischun, ina gronda impurtanza entaifer il PSG. Cun il PSG duai vegnir promovì il gaud per che quest multitalent possa ademplir sia funcziun a lunga vista. La finamira prioritara è quella da garantir ch'il gaud sa regiuvineschia.

### Vasta consultaziun

Il nov PSG è vegnì elavurà cun agid da differents posts. En la segunda mesadad da l'onn 2017 hai dà ina vasta consultaziun, en il rom da la quala èn vegnids inoltrads numerus resuns. Tut ils giavischs èn vegnids examinads, respundids e – nua che quai è stà pussaivel e raschunaivel – integrads en il PSG. Tar la versiun dal PSG preschentada da nov sa tracti da la versiun d'exposiziun surlavurada ed adattada che dovra anc il consentiment da las vischnancas, avant che la regenza grischuna la po metter definitivamain en vigur.

## **Infurmaziuns:**

*Per dumondas generalas concernent la conferenza da medias e pertutgant il PSG:*

- president da la regenza dr. Mario Cavigelli, schef dal departament da construcziun, traffic e selvicultura dal Grischun, tel. 081 257 36 01, e-mail [Mario.Cavigelli@bvfd.gr.ch](mailto:Mario.Cavigelli@bvfd.gr.ch)
- Reto Hefti, selvicultur chantunal, uffizi da gaud e privels da la natira, tel. 081 257 38 51, e-mail [Reto.Hefti@awn.gr.ch](mailto:Reto.Hefti@awn.gr.ch)
- dr. Riet Gordon, manader dal sector planisaziun dal gaud e reviers forestals, tel. 081 257 38 55, e-mail [Riet.Gordon@awn.gr.ch](mailto:Riet.Gordon@awn.gr.ch)

*Per dumondas davart la realisaziun concreta dal PSG en las regiuns:*

- regiun 1, Signuradi / Partenz / Tavau: manader da la regiun, Matthias Zubler, uffizi da gaud e privels da la natira, tel. 081 257 66 40, e-mail [Matthias.Zubler@awn.gr.ch](mailto:Matthias.Zubler@awn.gr.ch)
- regiun 2, Val dal Rain / Scanvetg: manader da la regiun, Magnus Rageth, uffizi da gaud e privels da la natira, tel. 081 257 61 85, e-mail [Magnus.Rageth@awn.gr.ch](mailto:Magnus.Rageth@awn.gr.ch)
- regiun 3, Surselva: manader da la regiun, Urban Maissen, uffizi da gaud e privels da la natira, tel. 081 257 62 80, e-mail [Urban.Maissen@awn.gr.ch](mailto:Urban.Maissen@awn.gr.ch)
- regiun 4, Grischun central / Moesano: manader da la regiun, Lukas Kobler, uffizi da gaud e privels da la natira, tel. 081 257 50 21, e-mail [Lukas.Kobler@awn.gr.ch](mailto:Lukas.Kobler@awn.gr.ch)
- regiun 5, Grischun dal sid: manader da la regiun, Gian Cla Feuerstein, uffizi da gaud e privels da la natira, tel. 081 851 20 80, e-mail [Gian.Cla.Feuerstein@awn.gr.ch](mailto:Gian.Cla.Feuerstein@awn.gr.ch)

Fotografias en qualidad da stampa ed ils plans da las singulas regiuns sco datoteca PDF chattais Vus sin la pagina d'internet dal [uffizi da gaud e privels da la natira](#).

Gremi: departament da construcziun, traffic e selvicultura

Funtauna: rg departament da construcziun, traffic e selvicultura

Data: 07-03-2018